

## Буч1антала литературала шайчирти багъудлуми ва бурсидешуни кыматладирнила нормаби.

Урга даражала школала хъулчилидиубти бях1чибизуни х1ясибли гъайла жавабти ва сочинениебачи гъаладирхъути т1алабуни г1ях1цад къадарла дарсдиубли сари.

Нормабазиб бурни х1ясибли, дяркърти произведениебала идеяла - художестволаси мяг1на аргъили биэс г1яг1нили саби.

Цазаманализиб лайикъси пикри бях1чиэс г1яг1нибиркур дурх1нала адабла къиликъуни кадилзниличи, искусствола произведениебас эстетикалашал бахъси кымат бедес балниличи.

Кыматунала нормабази бег1 гъалар кадурхути сари 5-7 классунала дурх1ни къалабали буч1ниличи цаургарти т1алабуни. Илдани дурх1ни къалабали буч1ниличи бурсибарнила шайчибсимуг1ялимла гъар барх1ила бузерилизиб лайикъси мер бурцу.

Ашкарличи мешули, къалабали буч1ни бархъли ва сакъахъили буч1ниличил уржили бархбаси биэс чебиркур.

Сочинение кыматлабирух1ели, пикрилизи кайсес чебиркур план лебни ва ил х1ясибли тема мурхъли арзни.

Багъудлуми ва барсдешуни ахтардидирнила хъулчибиубси мурад буч1антани литература балнила даража кабизахъни ва илдас программала т1алабуни х1ясибли лайикъси кымат бедни саби.

Дурх1нала багъудлумас кымат бедлугух1ели, илдала пикри бях1чиэс чебиркурлитературала ва искусствола произведениебас лайикъси кымат бедес балниличи, илдала бяркъла даражаличи.

Класслизир муг1ялимла кумекличил дяркърти яра чула чули делч1унти литературала произведениебала анализ бирух1ели, муг1ялимли хаслира чихъси кымат бедлугес чебиркур программала т1алабуни х1ясибли дагъес х1яжатти литературала теорияла шайчирти багъудлумачи хъарихъули анализ барес балнилис.